

國
朝
詞
綜
補

國朝詞綜補卷三十一

無錫丁紹儀杏舫輯

湯貽汾

補三首

范玉琨

一首

蔣因培

一首

查奕照

補一首

錢廷煥

補四首

管貽蓀

補九首

楊文蓀

補二首

錢燕喜

三首

陶焜午

一首

謝元淮

補一首

章黼

補一首

汪琨

補一首

蕭重

一首

丁楠

一首

王嘉福

補八首

王嘉祿

補四首

王啓曾 二首

戴坤元 二首 補詞

戴銘金 十四首 補詞

陳泰來 二首 補詞

湯貽汾 字雨生陽湖人難蔭世職官金華副將咸豐三年江甯城陷賦絕命詩自盡諡貞愍

長亭怨慢 衰柳

更誰向灞橋攀折萬里關河一天風雪古陌人稀幾絲
猶自馬頭拂蕭蕭短鬢正顧影同懷絕盼斷七香車還
只當聽鶯時節 休說賺高樓翠袖望眼欲穿天末浮
萍散了怕流水也應消歇最苦是落葉江城賸一笛風
前幽咽算夢裏腰肢難解眉頭千結

七娘子 題內子梅窗琴趣圖

冷冷瘦玉纖纖指。深深繡幕悠悠思。畫了眉山燒殘心
字。百花頭上春先至。江南本是藏春地。高樓早築香
雲裏。冰雪聰明。漆膠情意。祇應慚愧梅花婿。

蘇幕遮

飭汪小米

畫橋邊垂柳下一桁珠簾香霧凝。蘭麝銷了千金風月
價。不上蘭橈。不愛花驄跨。課三餘吟五夜坐臥書城
相對人如畫。好聽銀箏傾玉斝。鶯轉花南春去牆東也。

范玉琨

字吾山嘉興人官淮海道

沁園春

汪又村藏妝鏡一枚背有銘云照日菱花
出臨池滿月生官看巾帽整妾映點妝成
證以初白庵金陵雜詠知爲柳如是物索
同人賦余拈是解

照日臨池一片清光依然滿懷想柳絲颿颿錦茵巧值
菱花掩映紈素新裁白雪凝膚綠雲委地俏影曾留小
玉臺癡心甚恐笑顰猶在著意重揩我聞室裏安排
定霜鬢雲鬟並照來更牙籤萬軸時勞玉腕湘筠一握
斜襯蓮腮促膝探奇比肩問字韻事都從暗裏窺須珍
重歎亭亭新月芳魄難回

蔣因培

字伯生常熟人
官山東知縣

金縷曲

晤嚴小秋于袁江出餐花館圖索題計別
來廿年餘矣倚此應之

好在詞人屋間陂塘幾時買斷青溪曲曲門對南朝江
令宅隨意數竿修竹更位置笛牀碁局怪底胸中無俗

豔算輪君飽飲秦淮綠天最惜此清福年來載酒江湖熟記天涯相逢幾度西窗翦燭照影南池池上水不似舊時面目多荒了故園松菊殘客飄零才子老歎甄肩斗酒無人續何處覓一囊粟

查奕照

寧西塘海甯人官同知有勝琴館詞

蝶戀花

樓上殘紅留不住屬付東風緩緩吹將去窗外流鶯嬌

自語一般也恨飄香雨纔得春晴春已暮話是傷春

詩是傷春句尋徧橫塘無舊侶研羅猶記湔裙處

錢廷煥

字小謝仁和人官金壇主簿

河傳

送友

側帽顰笑香熏鼎。熱月窺簾小。四三人影向燈圓。漏殘
苦吟忘卻寒。驪駒偏促天涯別。離腸結冷似盧溝雪。
酒同斟。莫辭頻。休醒醒時多雁聲。

歸朝歡

題文姬歸漢圖

畫角邊聲愁不起。可惜名姝留異地。珍珠寶馬贖歸來。
征衫猶漬思鄉淚。玉門關乍啟。今朝不信生還矣。試重
看漢家宮闕。還似舊時未。回憶烽煙當日事。羈帳高
懸紅日墜。刀光燦逼雪花寒。愁痕濃壓眉峯細。劫灰尋
故里。胡笳按拍從頭理。只愁他。龜茲聲字已離七絃裏。

雲仙引

題陳雲伯大令碧城仙夢圖

霞壘千層闌紅幾折。迢迢深護春雲。依稀聽珮環聲前。
生定曾到此。屈曲瓊樓疑舊經。玉宇玲瓏。廩廊縹緲。望
處關情。迴看都是紅塵。算只合清虛來上清。繡戶輕
敲。綺帷重認。影事零星。濃綠如煙。落紅成雨。多事天風
吹欲醒。生憎一曲。琉璃淒緊。晝未分明。

水龍吟

消寒咏古分賦得黃華坊明名妓薛素素舊居也

長安九陌飛花餘香埋卻章娘宅。黃華坊底粉垣零落。
一痕斜日。鳳去臺空。燕歸樓圯。問誰曾識。向荒苔尋徧。
襪痕屐印。渾不見行雲跡。傳說技誇雙絕。控花驄自

調金勒鬣絲拂柳舞衫翻錦一鞭飛疾波妹弓圓韓嫣
彈去路人爭拾歎繁華何處可憐都付幾聲啼鴉

管貽荈

字樹荃陽湖人諸生官
固始知縣有湘雨齋詞

菩薩蠻

麴塵遮斷江南路斑驕何處尋芳去春恨只星星勞人
長短亭香塵飛絮減紅雨黏成片不忍上簾鉤傷心
獨倚樓

謁金門

丁若士丈囑題江干送別圖

煙柳碧欲挽東風無力花外游絲高百尺捲簾何處覓
眼底翠酣紅溼做盡春殘消息人也如春留不得晚

潮江上急

鬲溪梅令

春深楊柳罨前溪。綠初齊。記得明妝人在小樓西。亂鶯無數啼。畫船細雨溼羅衣。翠鬟敲笑戲雙鸞。曾否浣香泥。曉窗清夢迷。

采桑子

擬馮正中作

宿妝嬾試金鸂鶒。春恨綿綿。春草芊芊。燕子分飛掠翠煙。紅心綠徧原頭草。殘月簾前。斜日橋邊。畫出傷離望遠天。

水龍吟

寒漏

沈沈遙夜如年銀虬碎咽瓊壺凍蘭篝悵處金釭半爇
麗譙聲送數盡更更暗愁都並翠鬟低擁奈心頭點點
分明記著又闌住梨雲夢猶憶天街風細遞鳴珂月
波流汞銅蠡消息箇中知否瑣窗人共驚起林鴉幾回
軟枕綺衾寒重算蓮籌刻徧也應盼到早曦飛動

掃花游

憶雪

凍雲冷結有黯黯春痕曉空偷颺朔風怒捲正鶴影飛
殘檐鈴淒斷試啓重簾已醒梅魂一半漫相款怕喚起
玉龍無限幽怨清興渾未倦待放棹前溪勝游非遠
小橋路轉尙依稀認得去年芳岸更恐遙山都被寒煙

悄換翠篝暖又黃昏掩燈深院

八聲甘州

秋海棠

記春陰幾度泣殘紅淚痕清花枝恁回闌重倚嬌慵似
昔愁影絲絲一樣銷魂顏色未許暗蜂知依約幽懷斂
蛾綠低垂怕說年前心事算澹雲微雨珍護芳姿怎
西風斜日都換捲簾時繞天涯驚回香夢又冷紅寒碧
誤相思憑誰問舊時明月還照堦墀

南浦

歲暮旅感

風雪渺天涯賸歸心暗繞早梅千樹征雁朔寒雲驚沙
外消得斜陽幾度高城望斷燒痕濃入煙深處卻似離

懷紫未了還共暮笳分訴 尊前休按梁州便看花不
是舊時情緒清夢隔銀屏分明記眼底亂山無數相思
總誤畫樓只傍垂楊路偏我青衫憔悴甚浣盡軟紅塵
土

摸魚兒

前題

恁匆匆韶華可惜都從閒處飄瞥倚闌曾送春歸去回
首暮雲殘雪芳訊絕只千里關山共此當頭月幾番圓
缺奈烏帽黃塵朱顏暗減鏡裏舊時髮 長亭樹怎會
管人離別年年枉自攀折梅花解遞江南信又被笛聲
吹咽寒意徹算紙帳圍香遠夢能飛越春回時節好牽

得游絲繫將絮影莫更聽啼鴂

楊文孫

字芸士海甯人貢生官訓導

金縷曲

題汪紫珊詞稿

一夜江南雨快傳來蠶眠小字蟬聯新句真箇情深潭

水似賦到銷魂如許差不負微雲女壻

君爲隨園先生館甥豔絕

天教兼福慧儘紅盟綠誓從頭數又牽惹舊愁緒相

逢忒煞匆匆去問經年春風無恙燕儔鶯侶翠袖銀簫

爭唱徧想在碧梧深處且莫向闌干凝佇亟寫朋箋挑

燈讀好幺絃高指翻新譜并華水爲君取

綺羅香

題馬棣原倚雲亭填詞圖

薄暝簾櫳餘寒庭院又近濃春天氣詞客心情易惹傷
春滋味聽疎雨獨夜無眠看豔影隔牆還倚好安排
翠緘紅花前商略到花底無端故園拋卻贏得江湖
載酒知音有幾回首林亭只怕閒愁難記且消磨減字
偷聲恁消受冷吟殘醉儘撩人千里鄉心笛聲吹又起

錢燕喜

字翼堂嘉興人
官興化通判

木蘭花慢

展重陽晏丁琴香寓齋

登高猶昨日棄我去不崇朝卻狂客多情酒人興劇重
集秋宵時乎時乎不再倩長繩繫住燭龍腰休似杜陵
野老空悲落木蕭蕭笑吟魂雨度難招恍隔數峯遙

羨漉酒追歡枕花續夢良夜同消依然滿城風雨恐鄉
心又逐浙江潮要博頻開笑口任傾短檣長瓢

洞庭春色

花朝客感

一刹那閒春將半也風景無邊看旌搖紫陌有人走馬
樓開青鎖是處啼鵲燕啄芹泥香入戶正吹暖飭簫二
月天憑誰去訪杏帘酒肆蘭漿歌船堪憐鏡中鬢影

鞍輪與砌髮苔錢似樊川珠箔低徊舊夢玉溪錦瑟惆
悵華年又是花朝過草草對流水斜陽一惘然知何日
許桃源問渡栗里耘田

摸魚兒

桃花片似蛤而小味極清鮮不似海錯出
閩中莆田之酒江海口三月中旬始有四

國言卷之三
二
月初卽無其殼甚薄色微紅宛似桃瓣故
名

武陵溪仙源縹緲料應暗通潮復涵江江上春歸也何
處桃花吹落漁父逐卻化入沙中如蜺供掏摸紅肌脆
殼任輕拾筠籃微添玉豉味不厭輕薄 嘗徧了處處
閩南珍錯清腴此味稱獨憑傾竹葉銀燈下人面春風
可掬凝醉日早草木蟲魚爾雅連駢讀吏清不俗更齒
頰生香親朋分餉麗句倩伊索

陶焜午

字薌泉南昌人貢生
官淮北監掣同知

浪淘沙

金粉易消磨風月蹉跎自尋瘦影認煙蘿認到前身花

作骨影裏香多 香意透簾波病損維摩天花初散客

來過花裏奈何人一箇人奈花何

謝元淮

字默卿松滋人官左江道有碎金詞

淡黃柳

秋柳用張炎體

野風蕭瑟吹老青青色一夜郵亭寒側側禁得幾番攀

折愁煞江頭未歸客任狼籍天涯路南北全不似錦

香陌當年手植今如此看意態婆婆晚鴉成陣難遣樓

中怨箇

章

字次自錢塘人貢生官松陽教諭

水龍吟

碧紗櫺

涼軒消夏清幽嵌空別具玲瓏格湘筠六柱冰紋四面
輕籠蟬翼略小於舟恰低於屋更虛於壁正薰風暗過
營營白鳥飛鳴處難鑽隙 休認琉璃簾額擬禪龕者
般閒寂通中徹外欲除綺障一層還隔几榻蕭然梧陰
竹影映來無跡任掩關獨坐生綃數幅寫遙峯碧

汪

琬字宜伯號憶蘭錢塘人
官典史有懷蘭室詞

喝火令

弱絮黏紅豆名花委綠苔一奩秋水鏡初揩聞道香泥
舊徑重印鳳頭鞋 欲見無端借相期有夢來模糊心
事縈春懷記得盟時笑指鬢邊釵記得鬢邊釵上雙鳳

不分開

蕭重

字遠村靜海人貢生官福建巡檢

百字令

題許克寧詞稿

蘋風蕉雨過深秋時候涼生瑤几萬斛明珠空外瀉幻
出箏魂琴意紅豆輕拈鳥闌細譜歷亂天花墜文游臺
上讓君出一頭地況復賦擅黃樓詩傳白下聲望青
雲裏殘月曉風人悄悄仙夢迷茫猶記骨蛻金蟬絲抽
玉蘭下界閒游戲天涯遲暮無雙喜遇國士

丁

楠

字俊之無錫人官獲鹿典史

洞仙歌

題友人松風蕉雨圖

一庭空翠撲簾旌似霧更著蕭蕭打窗雨正涼侵玉几
潤逼金徽風過處時有茗煙低度苔痕青滿院屋角
遙岑約畧還留舊眉嫵於此儘延緣松吹飄來看展盡
蕉心幾許只少箇雙鬟夜添香好同校茶經靜修簫譜
王嘉福

字二波長洲人難蔭雲
騎尉官靖江營守備

清平樂

輕衫窄袖春向眉峯逗悄立瑤階衣略皺人與梅花同
瘦何須淺笑深顰相期不負芳春道是今生薄命可
知明月前身

南歌子

簾額秋痕瘦。琴心舊恨長闌干。似九迴腸。不必冷風。
疎雨。敲淒涼。箇畔拋紅豆。尊前挽綠楊。若華小字記
眉娘。但見一鉤新月。便思量。

踏莎行

柳外鶉聲。花閒燕語。尋春不惜斜陽暮。鞭絲帽影渡紅
橋。玉驄尙記前游路。綠葉愁雲。青山淚雨。冥冥繡戶
吹風絮。年時同倚畫闌干。而今闌在。人何處。

蝶戀花

紅瘦綠肥春幾度。歎惜朱顏也似春難駐。杜宇多情啼
不住。幾時啼到郎行處。夢醒關山千里路。打疊瑤箋

不寫相思苦但寫郎栽花一樹而今高過牆頭去

喝火令

宿鳥驚移樹流螢溼墮煙雨餘池畔響流泉淒絕碧梧
庭院孤影月娟娟剗襪香階下通頭曲檻前露華如
水夜如年一樣樓臺一樣早涼天一樣畫屏珠箔底事
悄無眠

臺城路

秦淮感舊同程小松作

三年未打秦淮槩文紗忽驚紅瘦笛簫飄煙歌樓掩雨
那復丁簾呼酒春人在否怕似此淒涼更難禁受來往
寒潮板橋凋盡水楊柳冰絃誰唱怨曲認闌干一角

曾記攜手絮果蘭因鶯期燕約都向花前輕負思尋醉
後又幾度回腸幾番回首各有傷情水天同話舊

金縷曲

往北山寺看紅葉歸過焦松喬故居愴然感賦

爽氣侵衣冷問西風秋來何苦者般淒緊拾翠尋芳曾
幾日頓換荒寒暮景歎負了游踪詩興烏柏幾株鴉幾
點傍僧樓紅閃斜陽影鐘一杵四山暝門前松菊荒
三徑恁蒼蒼煙凝水咽霜飛林靜苔砌塵青窗網黯往
事何堪重省但悵望月明如鏡衰柳多情還拂檻只蕭
騷似我雙吟鬢懷舊夢笛吹醒

摸魚兒

到黃昏一燈孤照重門斜掩秋雨妝樓擁髻誰還見羸
得惱懷如許愁不語聽落葉虛廊似有人微步沈吟太
苦賸羅幔雙鈎銀屏六幅都是斷腸處 宵深也裊盡
鑪煙幾縷萋萋淒絕街鼓相逢但祝秋衾夢卻恨夢都
無據留不住悔夢裏匆匆未問來時路無聊意緒早斷
雁呼風陰蟲絮壁催起瑣窗曙

王嘉祿

字井叔長洲人諸
生有桐月修簫譜

虞美人

經舊游地

垂楊缺處妝樓小門掩東風悄十年前事驀尋思記得
玉人扶病下樓時 輕塵短夢匆匆過蛛網空簷墮夕

陽一角帶愁紅況有闌干閒在夕陽中

卜算子

柳色陌頭青風景清明候一樹梨花帶雨開憔悴人同
瘦燒盡合歡香密誓成孤負卻羨穿簾燕子歸雙宿
雕梁又

長亭怨

斜陽

是誰寫愁痕天黯雁背微茫一絲紅閃澹抹遙山六朝
金粉剩淒豔暝雲低接生怕是黃昏漸暮景已無多但
送盡歸鴉千點還念甚搖鞭客路極望倦郵荒店離
心挂晚帶一角酒旗斜颭認幾處廢井頽垣長是共寒

煙分占又樹樹西風只有涼蟬吟慘

齊天樂

淮南秋杪賦寄白下故人

青溪一曲銷魂地單衫淚痕紅凝廢鏹埋沙遺釵蝕蘚
舊恨南朝誰省烏啼夢醒總付與詞仙瘦吟秋影判賭
雙鬟玉簫妍唱醉中聽江湖自憐載酒倦游歡思減
難問清興斷笛飄煙繁箏絮月刻意傷秋成病風淒露
冷想昨夜闌干斷無人凭更約徵歌板橋重繫艇

王啟曾

字香蘅嘉興人諸生

百字令

題顧松泉秋水寄懷圖

相思天末悵遠游分手前期無準滾滾長江流日夜不

寄雙魚芳訊岸柳陰疎江花香斷漸覺西風緊離尊共
倒酒痕衫袖能認最是雁叫雲邊草衰渡口往事休
重問我亦年來傷寂寞舊雨分攜都盡尺幅傳情長箋
寄恨只盼歸帆整流光易去暗中霜點青鬢

又憶梅

儂家溪上悵年來無復繞門千樹記得花時攜蠟屐愛
向梅邊徐步一點冰心幾番風信芳意看微露前塵如
夢望中縞袂何處更憶選勝堤邊探幽橋外一舸西
湖去放鶴亭空孤嶼杳愁聽杜鵑啼苦香動昏黃影橫
清淺好誦逋仙句舊游能續客情難似前度

戴坤元

字芝山德清人諸生

摸魚兒

壬午冬杪有韶陽之役家銅士倚聲送行舟次依韻寄答

歎饑來驅人遠出大都寒士如此吹簫乞食真無奈敢
憚川途迢遞帆挂矣任雪虐風饕要逐檣烏起炎天瘴
地待茉莉熏香枕椰糝粉城訪趙佗址嗟予季才華
不減青兕池塘好句無二興酣落筆看揮灑墨瀋唾花
交麗憑尺鯉把別後相思細寫加餐字消愁無計便浣
手開函百回高詠甯讓對牀意

水龍吟

蘆花

回頭一望蒼茫扁舟棹入煙波裏纔看似雪還疑似絮

隨風颭起渺渺伊人中央宛在相思未已歎飄零客路
丹楓紅映斜陽外連天水猶憶錢江夜泊聽颼颼暮
潮來矣良宵露重長空雲淨孤篷正艤誰抱琵琶四絃
嘈雜暗彈秋淚怕鐙殘夢醒半牀寒逼擁漁家被

戴銘金

字銅士德清人諸
生有翠雲松館詞

菩薩蠻

春風廿四番番換珠零粉碎無人院賸有燕飛回怕銜
婪尾杯初三兼下九拜月盟星又裊盡博山香爲誰
空斷腸

喝火令

燕壘依梁穩魚環上鎖遲香殘金鴨細於絲幾度墨紗
窗幙同泛卻寒后密寫芙蓉字偷裁蛺蝶詞昵人風
態費人思記得膽瓶愛插玉梅枝記得小紅初嫁正是
雪飛時

琴調相思引

一曲橫塘幾點鷗笛聲吹斷水邊樓故人何處衰柳不
勝秋麥飯情深空有約松醪味劣怎澆愁夕陽門巷
空自抱琴游

淡黃柳

同人西塞探梅時殘雪未消餘寒特甚尋
張志和釣磯杳無知者歸途分韻得展字

攜筇躡屐待把清芬挹廿里尋春行得得踏徧疎林曲

溯殘雪還留二分白
釣磯側樵青想曾立倚修竹袖
羅碧緬高風重溯持竿客一抹斜陽峭寒如水吹徹誰
家玉笛

洞仙歌

題金柅雨雙湖漁隱圖

潞洄雨水認平橋界處春漲盈盈足春雨看船頭挂網
岸腳移篷明月上弄笛好翻新譜
鴛鴦三十六紅藕
花開更向蘋洲泛柔艣一甕撥香雲得了鱸魚早分付
樵青烹煮待小戴年年壻鄉來共捕蟹撈蝦續吟漁具
高陽臺

庭前舊栽枇杷一本今冬始花風格傲寒
歌以誌賞

小雪融時清霜慘處早梅同占春先洗盡鉛華可知淡

益生妍芳名巧向琵琶借惹香風撲上冰絃問何人酒
載園東棹繫門前輕衫不用嬌黃染看低搖玉珮暗
整珠鈿粉滴酥搓校書家在橋邊掃眉莫道無才子伴
妝臺笑擘吟牋待金丸甘溢瓊漿渴解饒涎

百字令

喜張椒卿過訪

雙扉靜掩聽銅鑼剝啄車停戶外文字由來敦夙契難
得者番傾蓋賦影成三言愁有四氣壓曹劉輩草堂團
坐滿庭新綠凝黛回首家在江南秋風未到且漫思
葦菜一笑近游浮短舸蒼弁清茗如繪白袷高談青尊
痛飲大客追良會鱖魚流水漁歌唱徧西塞

長亭怨慢

初夏舟行碧湖小憩顯化寺

漸吹斷絲絲疎雨好趁新晴緩搖柔艣纔送春歸畫船
無復載歌舞翦聲梯影青徧了桑陰路擬泛宅浮家也
做箇煙波漁父懷古歎臨流梵寺牘有斷垣殘礎蒲
團小坐竟寂寂不聞鐘鼓覓翠墨試上高樓認釵腳舊
曾題句寺樓向有女郎題句更酹酒明霞溼濺薜蘿香土

齊天樂

蟬

黃梅欲出鶯喉老亂喧雨餘天氣古井槐疎平堤柳密
滿地綠陰如水瑤琴漫理正短咽長嘶幾絲搖曳莫遲
居高回頭須識有螳臂繡牀那時午倦被驚回好夢

雲鬢低墜恨訴齊宮愁啼漢苑添了惱儂情味秋風乍
起早一夜涼侵薄紗衫帔寄語行人問歸期定未

綺羅香

紅葉用玉田生韻

幻就繁華妝成絢爛不藉東皇爲主一棹吳江添寫羣
芳新譜襯樓臺金碧交輝費多少丹黃勾注問何人到
此停車斜陽影裏未歸去秋來延賞最好莫負幾番
暖酒幾番題句老向西風未算美人遲暮映漁燈共閃
寒塘聽牧笛亂吹前路甚胭脂濺了啼痕昨宵初過雨
金縷曲

自題西湖訪秋圖

一鏡微波皺慣年來舉蕤劃槳掃苔攜帚水贖山殘無

限意留與何人感舊況秋在已涼時候何處鳴蟬還未
歇聽聲聲抱住斜陽柳橋影亞石根瘦 豔游共說銷
金釵問誰家橫簫脆管歌裙舞袖團扇漸疎吟屐健望
望湖樓近否且拚醉百錢沽酒林木蕭森風力勁看蘆
花尙待西溪走掉吟艇把舷叩

摸魚兒

往年俞劍花客茗上寓榻寄巢今遠赴都門余亦移居渡東感煙水之難忘悵琴樽之莫接因寫寄巢夜話圖以誌舊歡

憶年時蛤蜊菰菜故園多少情味板橋流水三閒屋團
聚外家兄弟銀燭底儘攬笛吹笙淡月窺人起宵深未
睡愛香燼金猊毫殘玉兔商略綵牋字 烏衣巷巢燕

別移新壘算來真箇如寄浮家泛宅儂無定君又著鞭
燕市頻尺鯉問乞食生涯可有桃花米前歡怕墜翦一
幅冰綃雙雙描入認取對牀意

又 謝湯雨生總戎餉西湖蓴菜

趁湖船一帆飛到磁罌浮動涼翠蹋波采向三潭畔聽
取玉人歌脆勞遠寄正裊裊柔絲不斷相思意參差弄
水喜滑比瓊酥香凝玉筍羊酪可奴視 東曹掾夢爲
西風引起鱸魚並惹歸思那知笋晚櫻初候春味勝於
秋味煙縷細早付與厨娘漑釜調鹽豉年華易逝憶前
度湖樓綠尊呼酒曾把食單議

滿庭芳

秋海棠

冷雁來時吟蛩咽處秋容細綴牆根孤芳自抱未解媚
東君倘向闌干點筆好添上一抹涼雲窺清鏡玉簪斜
綰付與淡妝人燈昏拚不睡感秋情味更甚傷春恁
相思難遣悄掩重門多少唾壺紅淚都併做翠袖啼痕
誰憐取風尖月瘦淒黯欲消魂

陳泰來

字認庵吳江人諸
生有壽松堂詞

玉團兒

頻婆果

酒邊試倩柔荑擘休認做黃橙綠橘幾度摩挲團團玉
貌脂暈微赤佳人北地真難得況說是婆心欲結那

不相思。扶頭慵起。人正消渴。

八聲甘州

餞秋

憶西風。浙瀝數番吹。纔催暑成秋。忽池荷盡卷。隄楊全
禿。花漾蘆洲。漸覺山慵水嬾。媚景一齊收。只有多情燕
欲去。還留舊日鶯。簫聲蝶板送東皇。歸去了。卻春愁又
添來。別恨蛩語數聲幽。抱秋心最宜冷淡。經幾番摧挫
且歸休。歸何處。指斜陽外。葉滿山頭。

國朝詞綜補卷三十二

無錫丁紹儀杏舲輯

朱 鉉

補詞一首

趙 函

十首

袁 鈞

五首

周世緒

三首

錢季重

二首

黃叔燦

一首

陸咸高

一首

徐蘭生

補詞一首

孫顯元

補詞一首

陳山壽

補詞二首

朱啟善

一首

姚 訥

一首

湯 竿

一首

鄧 裴

二首

舒夢蘭

補詞二首

錢 杜

二首

改

琦

補九首

周介福

四首

曹言純

補一首

楊鑄

二首

袁成

補四首

韓炎

一首

周廸

補一首

周樽元

補一首

汪嘉祥

一首

王與沂

一首

劉偉

一首

朱

鉉

字震伯儀徵人諸生有月底修簫譜

南歌子

楊柳餘殘碧芙蓉斂慘紅鴛鴦夢冷曲池東讓與一枝

疎蓼耐淒風坐久衣嫌薄宵深露漸濃閒思往事總

成空只有樓頭明月照征鴻

趙

函

字良甫號菊翁震澤人
諸生有飛雲閣琴意

長亭怨慢

秋柳

又微雨漢南吹暝疏地蕭騷不堪攀贈繫馬游蹤等閒
金埒向誰問舊時門徑梳一桁西風緊照水有長條替
畫出蕭孌秋影重認恁絲絲織就三十六灣離恨那
人何在儘消受月荒煙冷便如今再到章臺惜零落凋
伊青鬢只滿耳寒蟬猶說當年姿韻

洞仙歌

芙蓉一舸載可人江上穩向煙波打雙槳但攜將家具

貨取樓居閒檢校卻月橫雲眉樣
清宵看擁髻鈿尺
親量製就紅羅合歡帳隔院炙銀笙一片宮商有多少
玉清惆悵趁燈火橫塘未闌時要問訊梅花尋春來往

唐多令

蛾影曲池東青陽一巷風認伊家油壁曾逢側檻秋花
和淚種渾不減去年紅
深院小簾櫳閒眠細雨中恁
新來酒病惺忪便不梳頭偏嫵媚鎮攜手聽初鴻

聲聲慢

夜擢胥江有懷若卿用李易安體

鴈枝戛水霜氣澄空孤游飛逐寒月路入楓橋萬點昏
鴉接翼鐘聲飄來百八帶離愁荒波鳴咽但耿耿抱清

愁對坐一鐙搖兀。簾底昨宵惜別，新來病零落也同。
黃葉悔不攜將，同上木蘭雙楫，占取石湖佳處，理煙鬟。
天鏡空闊，待後會把此情窗下絮說。

江城梅花引

怡珊姊屬題小樓聽雨畫卷

深簾惻惻弄春寒。醉無端。醒無端。怪煞江南情味，不曾
諳。屋角鴉鳩啼乍歇，有輕燕，啄香泥。上畫闌。畫闌畫
闌。環復環。惜花殘。問花殘。問也。問也。問若箇紅淚偷彈。
化作胭脂，勻染薛濤箋。寫出送春詞一幅，又送別，綠波
亭。楊柳灣。

醉蓬萊

春明倦游南歸有日友人爲言管社山之
勝坡公所謂此心飄然已在大行之麓矣

過射湖西去積翠山阿是誰深隱玉展陂塘有潛鱗窺
鏡怪石輪囷長松礫硤寂歷無人境此景難忘此游須
果山靈應肯買斷林巒需錢幾萬抱我秋琴冷眠秋
磴鷗若閒時來伴漁竿影屋似灤西田如陽羨衣食麤
相稱異日逢君閉門微雨夜厭厭飲

法曲獻仙音

周香初雙雪修桐畫幅

蟬咽涼柯蛩吟秋井落葉更無人掃露染空青月遮孤
白冷然一磬花杪正手招烏絲譜陽春倚琴調古音
嫋問周郎幾番回顧較攬遂費洲似添清峭便付與雙
鬟只可惜徵歌人老莫唱清商被階下黃花暗惱暗抱

梧桐自語又惹鴉啼霜曉

殢人嬌

月皎深簾燈昏別院容易教一番相見。桃鬟翠薄梨渦紅淺。渾不是當時靚妝華豔。瑞腦將殘羅襦未換。閒拋卻。蕤紋珍簟。傷春心事。經秋望眼。要數到銅壺夢中聲斷。

婆羅門引

瑤青小別。木蘭擢發太匆匆。背燈無限惺忪。不許驪駒早唱。重入小房櫺。又垂簾泥飲。坐到霜濃。山重水重。復飄夢。桂堂東。欲認舊時羅帕。淚點銷紅。花陰微步。待

國朝言集卷三十三
親折階下木芙蓉。拚憔悴、倚徧西風。

南浦

青溪送曹春臺游燕

簾外有啼鶯。向芳叢、款款把春留住。焚尾一尊、開花前
客都是天涯倦旅。灘聲正苦。那堪重賦江淹。句芳草如
雲。雲更遠、黯澹越溪溪路。連宵山館。閒眠送君行也。
擬挂帆歸去。欲去又還休。江南夢、常繞叢蘆。細雨離情。
萬縷眼中。怕見青青樹。行矣。扁舟風色緊。莫待綠波飛
絮。

袁鈞

字陶軒。鄞縣人。
諸生。有西廬詞。

采桑子

去年今日春風岸芳草如茵繡被香薰臥聽笙歌響過
雲而今事往渾如夢草尙如茵香已成塵滿眼楊花
愁煞人

唐多令

春夜雨廉纖春風撲繡簾惜春歸錦韻慵拈生怕明朝
花落盡關心歸鎮懨懨無語傍雕奩鑪香細細添耿
青燈好夢多淹酒力三分愁萬疊春不管上眉尖

玉漏遲

南山草堂夜飲呈許穆堂侍御

夜闌樺燭換牆腰月上漏移銀箭倦眼瞢騰花影一庭
零亂莫問春還餘幾便春在蝶慵鶯嬾愁宛轉後期何

處西窗話短 可憐舊夢縈心記載酒籠香月湖湖畔
一紀流光惆悵餘不溪淺今日主人醉客奈魂怯離巢
孤燕歸路晚山城角聲吹斷

百字令

重修曝書亭落成卽用集中韻

垞南垞北是先生老去結廬棲泊留得白頭曹霸在畫
意詩情曾託淺渚撈蝦橫塘鱖蟹消受歸田樂而今賸
有素箋猶未零落 正好學士才華駕湖小住細意頻
商酌魂魄百年應戀此想像燈龕書幕矮屋三楹疎篁
千箇重理閒邱壑巡簷一笑老梅開滿籬角

過秦樓

冬夜獨坐

冰繭絲抽雪蕉心捲脈脈此情何限將眠又起似醉仍
醒寂寞黃昏庭院那更坐久微聞蓮漏頻移吟懷偏嬾
算殘冬未盡春光還早怎生消遣相憶處病減容光
寒侵鬢影翠袖倚闌人遠盲風刺骨陣雨敲窗一樣皺
眉慵展無可如何便教心苦肝酸宵深杯淺這淒涼儘
發誰道含愁不見

周世緒

字克延鄞縣人諸
生有壽蓀山館詞

連理枝

夜坐聞雁

多少蘆花渡多少楓林路帶月衝霜鳴咽咽誰憐倦
羽甚年年覓食不辭勞向南天飛度欲向天南住合

往羅浮去若到羅浮吾家伯仲正相團聚爲寄聲紅葉
故園中賸殘陽一樹

水龍吟 爲鄭耐生題大椿堂圖

東風燕子重來斜陽穩坐簾鉤語緣池聚石繞垣補竹
傍簷添樹蠡殼琴窗牛腰書卷萬花飛處道故家喬木
凋殘盡也誰培得青如許 楹帖還留題句溯高曾百
年規矩莊椿舊日壽萱今日一般心緒喚婦停針趁兒
放學共陳雞黍恰柴門剝啄扁舟攜到把新詞賦

金縷曲 拜張忠烈公煌言墓

拚濺刀鐔血尙從容湖頭遙望鳳凰山色席捲大江南

北去快比呼盧一擲怪樹杪雙猿聲咽采薇西山吟未
罷牧羊歌完卻蘇卿節秋九月初七 吾家素近先
生宅慘蕭寥楊家河畔滿門荆棘岳墓千墳留隙地補
種松楸青密更殉義三人同烈明日孤山梅下拜再東
頭靈隱尋殘碣重酌酒醜牲石

楊天璧職方葬孤山
魏雪竇山人葬靈隱

錢季重

字黃山陽
湖州人諸生

相見歡

林閒多少嫣紅總成空但識三眠楊柳甘番風 黃昏
近春宵冷意恹恹夢到誰家深院笛聲中

鷓鴣天

策馬年年意未降
倦游何處覓歸艖
幾時載酒攜紅袖
終日焚香坐碧幢
尋杜若
採蘭汀
清愁怕見影雙雙
纔能吹得燈兒黑
明月無言又到窗

黃叔燦

字琴臺
昭文人諸生

菩薩蠻

紅樓煙鎖垂楊覆
文窗紗綠晨光逗
懊惱夢多情
鶯啼破一聲
海棠眠未足
棲燕猶雙宿
羅幕怯春寒
庭花露未乾

陸咸高

字琴臺
嘉興人

齊天樂

輓友

縱然一去無留戀淒涼殞宮誰奉下第劉蕢思親仲子

嚙指定增悲痛

謂令嗣晉竹方應試都門

關山雪擁只寡鵠孤鸞據

牀淚湧更是傷心左家嬌女雪衣送

萍蹤飄轉何速

想芙蓉幕捲遺恨千種寄白堂閒拈紅會散六十二年

如夢金蘭誼重感伯氏當年榜花曾共慨念人琴撫棺

餘一慟

徐蘭生

字湘秋上元人

摸魚兒

袁江旅次賦贈嚴小秋

譜瑤琴細調銀字聲聲都是離緒愁苗恨蕊春消息一
樣賀家儔侶梅子雨誰信道江南腸斷無佳句天涯閒

阻悵潯水勾留黔陽落拓寂寞感羈旅

君浮家邦上余自貴陽歸來

鄉關路我亦鍾陵樵伍相逢恰在袁浦平生亦有栽
花集多半傷心絮語堪和汝還只怕人閒不合霓裳譜
漱殘薇露看瘦綠香生肥紅味永咳吐足千古

孫顯元

字華海仁和人諸生有異撰齋詞

連理枝

洋西瓜其小如錢翠蔓疏花離離可愛

舊種青門擅小樣眞稀見翠盎移來低垂密映綠丸深
淺漫思量雪藕與冰桃向芳筵同薦 裊裊疏藤顫點
點黃花滿留待新秋閒庭乞巧勾圓齊翦想瓊漿味少
總芳甘染朱脣纔半

陳山壽

字子玉長洲人詩人
秋史子有散香庵詞

水龍吟

寄懷郭頻伽先生時在西湖

歌離弔夢無聊何人能會沈湘意屐聲門巷檐聲簾戶
最添愁思芳草萋萋長天黯黯慣驚游子問西湖今日
淒涼孤館誰同伴誰同醉舊侶高陽散矣歎饑驅飄
零千里功名老大江湖蕭瑟一般風味鷗鷺前盟雞豚
後約而今寒未想新詞賦罷銅琶高唱吐英雄氣

掃花游

苔縫

悄悄成片正繡徧庭心地衣凝翠沿堦沒砌乍鬢髮未
滿一絲猶細吹陣尖風翦破春痕有幾紛無次認亂髮

乍梳分半挑起 三寸襪羅底只鳳嘴鞋尖也應迴避
行行且止怕匆匆踏損草芽花子細界條條直似烏絲
闌紙秋來矣老吟蛩此中身世

朱啟善

字竹薌上元人諸生

摸魚兒

秋夜題玉生詞集

討秋心嚼花吹絮一鐙誰伴枯坐故人忽遞新詞到來
索吟蛩低和愁無那盪縷縷柔腸鐵笛秋空破琴簾酒
座記袖搵冰紅鬢凋慘綠牘有淚痕沅君才大可惜
飄零似我豪情勝概都情紅牆銀漢年時恨好夢何須
眞箇拚謫墮有井水旗亭名字人閒播香薰錦裏正蚪

箭初申蟾輝停午斷雁幾繩過

姚

訥

字水北金山人貢生

摸魚兒

題張繡峯綠雪館詞

半酣時呵天搔首山林何似鐘鼎少年走馬長安道濃
福三生前定爭捷徑算人海浮沈那有心波靜何如息
影儘風月頭銜鶯花封誥清味要分領仙山下開箇
詞場詩境天將綵筆相贈相公曲子尙書杏都入君家
詞品乘逸興也不管銀蟾一晌花楞暝宮商自訂趁春
未闌時小紅攜手歌向九峯頂

湯

竿

字夢竹甘泉人諸生

摸魚兒

吳門旅次晤汪問樵并讀其滄江虹月詞漫賦是解

放扁舟半篙春漲金閨亭畔延伫相逢一笑還疑夢認
得舊盟鷗鷺邀客住正小院輕寒簾外瀟瀟雨閒吟樂
府看紅豆傳聲瓊冰繪影不數麗情賦滄江月是爾
前身非誤清光常照眉宇天花亂撒珊瑚碎縈繞碧霞
千縷推獨步須信道小山白石無今古君應記取待他
日來聽吳娘按拍唱徹玉虹句

鄧

裴

字又楷江西新城人有蜚音詞

浪淘沙

感損兩眉彎幽恨漫漫嫩晴天氣曉風寒不信春來纔

幾日百舌啼殘 梁燕語呢喃似說春還思君日日倚
危闌目斷天涯人不見點點青山

臨江仙

友人屬和資溪諸景爲賦東華朝霽

宿雨初收雞唱曉簾櫳晴晃朝霞三峯霽色見東華日
高煙斂飛翠落簷牙 滑滑春禽啼未歇春山春樹周
遮枳籬門巷小桃花尋芳人早連袂過西家

舒夢蘭

字白香靖
安人諸生

減字木蘭花

綠楊如畫何處王孫來繫馬草草相逢彼此還疑是夢
中 春愁幾許閒倚舵樓嬌不語欲去難留浙水生憎

不倒流

長相思

雲陰陰月陰陰竹外迴廊誰撫琴梅花香滿林
漏沈沈院沈沈咫尺簾櫳百丈深墜歡何處尋

錢

杜

字叔美號松壺仁和人

菩薩蠻

汪紫珊以王翹雲校書嚙舌血所漬素帕屬補折枝桃花因就其血痕約畧成之并系小詞以永佳話後之覽者弗以筆墨計工拙也

蠶絲吐盡鵲啼血生綃點點臙脂溼無賴是相思補成新折枝
門中人面遠竹外春波軟珍重看桃花依稀還見他

百字令

爲改七薌畫石梅結宇圖題詞索和

石巢雲壑付幽人管領一圍晴雪尺五柴門寒不掩夢
穩羅浮仙蝶翠羽穿簾紅藤壓架松火窺簷活炊煙林
際山童掃徧殘葉最憶前度清游打頭松子空翠涼
肌骨剗地東風啼鳥換棖觸舊懷重疊結箇茅亭與君
共住閒聽鐘魚發梅花如此爲君圖畫風月

改

琦字七薌江蘇華亭人
有玉壺山房詞

漁歌子

楊子江邊載酒行瓜洲城外待潮生帆角動水風輕手
拓篷窗看月明

卜算子

借了一分秋。悄向心頭種。偎近熏鑪袖不溫。夜淺春寒重。
思夢背羅屏。髻影殘燈擁。夢盡江南無數山。翠被愁無夢。

采桑子

惠山舟中

輕舟一葉隨流去。明月徘徊。鷗鳥驚猜。二十年前照影來。
微茫不辨煙中樹。且撥新醅。莫放深盃。倒瀉山光綠似苔。

品令

月下聞簫

鳳簫聲緩。想玉指。花陰亂。銷魂此曲。爲誰曾寫。舊時團

扇知否蕭郎月下竹枝倚徧。銀河清淺。看碧落華星滿。翠森森處。箇儂低髻。煙絲吹軟。不是淒涼風景也。應腸斷。

青玉案

用曹組體

累儂也到銷魂地。纔領畧愁滋味。錦字安排他日寄。青溪小妹。青衣小婢。窺透相思意。熏衣只染幽蘭氣。間暮雨簾櫳可容醉。畧帶風情嬌語細。燈紅如豆。夜涼如水。影比湘花媚。

徵招

小憩古雪庵酌悟道泉而返

幽棲不放斜陽入。濛濛四山深翠。曲澗繞軒窗。漾流雲。

如水素濤生盃底莫孤負竹鑪風味滿耳松言半房茶
夢一襟涼吹 移屐轉峯陰煙苔古難摹井眉題字天
蓮餉空餅悟西來禪意心塵清更洗漸林外疎鐘聲遞
待留補壤色袈裟緝野塘荷菱

百字令

錢君松壺爲作石梅結字卷子題詞見贈
卽次其韻

碧山人去甚東風吹老枝枝香雪曳杖拖筇看暝色瘦
步又隨寒蝶松影如潮藤陰拂檻綠靜茶煙活疏林殘
照打頭飄下黃葉 此地小佳游仙初平叱起頑石皆
仙骨縛箇香茆清澗曲卧對雲屏千疊翠袖褰蘿紅螺
過酒繞屋梅花發手攜鴉嘴破空飛上明月

西子妝

顧耕石太史招飲湖樓泛舟南屏訪主雲上人不值

清入山心綠攪柳意蕩漾水雲無定來尋宋嫂作魚羹
小紅樓有人先凭春醒未醒挈同訪南屏詩境賸冬花
綴枝枝寒翠僧窗俱靜天將暝斷塔頽陽畫出雷峯
頂落梅如雪糝空庭替花光背臨疎影松風半嶺漸吹
冷蕭蕭茶鼎待詩成呈佛殘鐘卧聽

摸魚兒

潘榕皋農部有桐江之游繪春渚煙帆圖戴竹友諸君均題是調余亦繼作

彈煙鬟一奩幽綠畫眉啼徹花底峯如錦繡波如染越
女嫩於春水船並艤惹舞絮飛英亂點風前袂香熏翠
被問敲枕雲偎拳幬月墮誰與共吟醉瀧中好倒瀉

松光無際魚天帆影搖曳淺斟不唱瀟瀟曲恰唱我儂
歡喜漁夢裏配紫笛紅衫著箇人雙髻風情未已儘詩
鬢星稠酒燈雪豔陶寫付歌吹

周介福

字竹恬江甯人諸生

燕歸來

花朝集小倉山房

紅撲艸碧玲瓏人倚亂香中澄波如鏡浸遙峯春影蕩
重重雲窺戶煙沈樹簾捲一庭絲雨不成無分醉花
叢邀燕咒東風

疎影

西山探梅

春光嫋娜趁昨夜雨晴翠微重過料得苔枝連日東風

未怕禪關深鎖轉憐竹外橫斜影擔不起萬千繁朵倩
林禽護惜寒芳休任蝶殘蜂浣似爾冰肌玉骨向空
山託足清瘦如我我已年來消解塵緣頗愛煙霞清課
相逢未敢參禪悅怕鼻戒聞香先破聽夕陽檻外鐘魚
幾片冷雲敲墮

金縷曲

翠微亭晚眺

幾折淩峯頂倚孤亭遠天如幕四垂無盡著屐平生能
幾兩一笑山僧相迎爲指點斷崖幽徑嫩綠如煙初過
雨襯斜陽紅浸江光冷頻放眼認帆影六朝舊夢而
今醒悵茫茫樓臺煙樹數聲清磬說甚英雄千古恨說

甚神仙樓隱更說甚酒狂詩聖且把閒愁拋卻了譜新
詞吟與梅花聽人世事總萍梗

三姝媚

春寒多雨花事遲遲倚此破悶

金鈴撩夢醒間吹簫何人簾櫳燈影流響嗚嗚早釀成
寒色教人愁損雙管填詞渾不是當年青鬢說甚新歌
一曲吳娘那堪重聽才放些些晴意又淡日輕雲商
量不定已是黃梅尙鼠姑苞小荼蘼香困花未三分先
惹了二分愁病漫道干卿何事銷魂自省

曹言純

字種水嘉興人貢生有扇影詞

燕歸梁

題汪小迂畫梨花白燕

海燕修翎別樣新
心性白鷗羣
杏梁仍覓舊巢痕
惆悵事總依人
畫闌曾見一雙玉
翦不辨宿梨雲
素襟已別隔年春
林外雪又霏
零

楊

鑄

字子堅丹徒人諸生有自春堂詞

醉太平

紅橋霧陰烏闌露凝不知歸棹
曹騰是三更四更杯
停半醺衾單乍薰倩他涼月
紛紛照窗眉夜深

浣溪紗

補屋誰憐絕代姝
牽蘿太晚袖寒無
背人偷與拭鮫珠
一角雕闌三面水
千絲羅帕幾行書
更休好夢覓姑

蘇

袁 成

字仲容號山史吳江人袁棠子早卒有餅桃花館詞

清平樂

霜寒月苦秋夜長如許夢醒無聊更暗數殘點正敲第
五蕭蕭庭外風聲沈沈遠樹鐘鳴最是燈花如豆照
人孤影偏明

喝火令

泛舟麗山湖

四面蘆芽短風聲更水聲扁舟搖曳有餘清恰又遠山
對面分與一痕青端覺煙波好浮家過此生安排蟹
斝與魚膾只要松陵一集著能成只要故人青眼時就

白鷗盟

摸魚兒

算韶光黃梅做了惜惜又近重午苔痕滿院經過少滴
盡廉纖細雨誰與語只兩部鳴蛙鎮日常相絮閒尋廢
圃悵兒菊新栽石榴初放一半委泥土前游憶人竟
隨春歸去沈郎腰瘦如許長堤幾樹垂楊柳映帶盈盈
南浦猶記取奈新漲三篙沒了江心渚此情難賦任密
字旁行千條萬縷愁似繭絲吐

鳳凰臺上憶吹簫

題陳芸圃花閒尋夢圖

花影霏微露華淒冷宵深景太清幽況神傷奉倩何地

埋憂曲徑長廊穿徧重尋處夢也無由蒼涼甚舊時月
色恰又當樓添愁魂來彷彿悵翩若驚鴻一瞬難留
更花閒行跡歷歷心頭百轉迴腸如水并州翦不斷長
流須珍重安仁鬢毛一夕霜稠

韓

炎

字奕山上
元人諸生

淡黃柳

居恆鬱鬱詞賦工何益大有傳人傳未必多少男兒事
業羞說雄心少年日待拋擲爭堪更岑寂一編裏淚
痕積怕青絲白盡愁難織悄按紅牙曉風殘月誰念銷
魂柳七

周迪

字蕩塘
荆溪人

疎影

舟中綠陰

煙霏柳港正濃陰
市岸畫舫輕漾小
拓窗櫺一碧空明
蓬背綠圍成幃
薔薇開徧荼蘼老
尋舊約但深惆悵
恁春酣碧透紗櫺
何處掛帆重訪
猶認津亭古樹看黃
鸝兩兩相喚飛上
夢繞山陰酒盞含情
添得櫓聲搖蕩
暮雲層疊江村隱映
一縷紅霞微颺
待幾時棹影歸來
定有新蟬送響

周樽元

字華農嘉善人
諸生有寶晉磚室詞

南歌子

落葉飄無定寒蛩絮未休客懷已是不禁秋何況懨懨
餘病在心頭夢雨銷銀管情雲憶翠樓天涯同此月
如鉤不似銀釭單照一邊愁

汪嘉祥

字未詳
上元人

南浦

春柳用玉田春水韻

濃綠漸成陰正三眠恰被流鶯喚曉愁雨更愁煙含情
處幾筆眉痕淡掃東風搓就輕盈一捻腰肢小繫馬王
孫歸也未陌上又生芳草深閨金縷歌殘甚韶華一
霎拋儂去了門巷認斜陽江南岸燕子銜泥曾到春波
渺渺池塘盡日凝眸悄千古灞陵橋外路斷送行人多

少

王與沂

字瘦梅里
居未詳

疏影

湯雨生都督囑題寫梅樓圖

綺窗小拓正簷前
索笑香綻寒玉淡墨勻調矮紙量裁
暮出雪中橫幅修眉天與生花管羨此福幾生修足更
莫須夢到羅浮重喚翠禽同宿
聞道孤山處士有巢
居故址今又新築大好主持詞賦參軍煙月而今相屬
合家仙眷安排了只少箇眠堦老鶴乞一枝割取吳綃
伴我客窗幽獨

劉

偉

字琬如里
居未詳

水調歌頭

秦淮水榭贈蘇秀英校書

敲斷燕釵股錦瑟不須彈
喁喁兒女恩怨說向鏡中鸞
我是修文種子卿是修眉仙
史同押紫宸班小謫幾千
載來往只人閒
蘭檻外苔砌畔露華寒
女郎花放一
樹莫近玉闌干
昨日青州買醉今日青樓買笑
明日買
青山偕隱共卿賦雙鳳月中還

國朝詞綜補卷三十三

無錫丁紹儀杏舫輯

張用禧 一首

林奕構 一首

秦 燾 六首

黃位清 一首

梁紹壬 三首

許乃穀 一首

宗稷辰 一首

張維屏 三首

盧昆鑾 一首

趙慶禧 七首

舒夢齡 一首

黃德峻 五首

陸我嵩 一首

李福培 一首

孔昭煊 一首

祝玉林 二首

徐金鏡

八首
補詞

劉遵燮

二首

陳希敬

一首
補詞

周開麒

一首

鮑俊

二首

史秉直

一首

胡長庚

二首

張用禧

字辛田桐城人道光元年舉人官同安知縣

滿江紅

弔演南李月樓貳尹子馥殉難仙游

弱不勝衣到馬上公然殺賊記平時縱橫詩社沈酣酒

國幾度聞雞同起舞一官敍鳳聊棲息忍拚教孤注守

危城偏師北誰縱虎憑侵逼誰脫兔紛逃匿剩空拳

獨奮陣雲如墨未掃櫓槍猶裂背回瞻雲樹應沾臆待

哭師老父與招魂歸滇輿

林奕構

字少霞長洲人
道光元年舉人

菩薩蠻

菱花靜掩銀屏底秋懷曲折簫聲裏樓上晚寒多天涯
人奈何三更蛩自語又是風吹雨心事有誰知孤衾
入夢時

秦

巖

字玉笙江都人道光元年舉
人官教習有思秋吟館詞
爲楊慧生題江樓待雁圖

渡江雲

西風簾乍卷闌干怯倚極目水雲遮碧空帆遠引寸心
千里何處是吾家歸期屢誤最怕聽塞角城笳偏有人

不知離恨隔院譜平沙
思他熒熒篝火寂寂簾櫳傍
鴛機影下料應是殷勤繫帛寄我天涯寒蘆一片飛如
雪杳不見人字橫斜腸斷處終宵暗卜燈花

憶秦娥

雙眉皺西風吹得人消瘦人消瘦已涼天氣未寒時候
綠窗簾捲黃昏後無言脈脈秋心逗秋心逗閒題紅
葉戲拈紅豆

東風第一枝

花朝已過春意闌珊庭前新種梅花
尙無消息譜此催之

凍蕊凝香疎枝斂影巡檐頻索花笑數來春色三分已
是二分過了芳心勒住應釀出韶華多少一任他雪壓

霜欺獨伴歲寒空老。回首念縞衣夢悄。轉眼望綺窗。
信杳。繡鈴緊護深叢玉。笛細吹怨調。尋鶯覓燕宜占取。
東風開早。問幾時爛漫園林。慰我醉吟昏曉。

泛清波摘遍

暮春下旬積雨正濃餘寒尙勒偶以
事拏舟出郭鶯花滿目始覺春色已
闌扣舷而歌感觸於中不自知其詞
之淺拙也

黏天穠綠。踈地殘紅。一片閒愁無覓處。迎風送雨。幾日
陰晴換芳序。扁舟渡。絲絲吹暝。翦翦生寒。搖漾茱萸灣
畔路。冶思闌珊。不信韶華已如許。暗凝竚。彈指二十
平作四番。已是楝花風度。一碧無情草色。踏青期悞。怨遲
暮。林外又。嘯亂鶯聲喚春歸去。惹起零星舊夢。向誰

重數

夜行船

吳興旅寓地當河口小樓一角流水三義煙樹蒼茫四圍環列憑闌一眺爽豁心神

白石老仙所引吳都賦戶藏煙浦家具畫船者恍然如見因仿趙長卿體歌以寄興

占得高樓成小住盡收來畫船煙浦橋曳帆光雲迷塔

影正遙指我來時路潮汐相通朝共暮觸鄉心亂愁

無數枕上寒鐘窗邊柔艣那堪更瀟瀟夜雨

水龍吟

雪舫兄索畫雙碧樓填詞圖賦此誌別

獨傳麗句清辭一枝絕妙詞人筆琴終三疊綠陰深處
秋懷寂歷咀微含商絲絲入扣闌干細拍想疏林雨過
閒階露滿渾忘卻羅襟溼轉瞬畫圖尋覓倚江天又

驚春色池塘夢句也應追念調脂暈墨我亦相思倩誰
顧誤共參消息待新聲寄到樓頭望遠擷梅花笛

黃位清

字瀛波番禺人道光元年舉人
官國子監學錄有松風閣詞

滿江紅

小極初起步月過范君喬明經如松寓齋
暢談倚此索和

玉露初零早送到半規明月似憐我二分小病三分怯
熱大白久疏河朔飲小紅聞道清歌歇試紫薇花底一
尋君書聲徹回關外螢光瞥疏籬畔蛩吟切計年華
又近秋河時節烏鵲南飛人弄玉大江東去誰敲鐵喜
青箱紅豆溯源流從頭說

梁紹壬

字晉竹仁和人道光元
年舉人官廣東鹽大使

漢宮春

漢趙飛燕玉印

一寸于闐有漢宮春色千載紅殷何時暗拋玉匣流落
人閒如絲鳥篆似摹他小字踟躕眞恍見瘦腰一搦綳
裙襞襞留仙長樂建章何處問金刀傳璽幾姓曾遷
瓊函綠綈小印猶認蠶眠宮銜署也想當時賜並釵鈿
知佩向石華袖底幾回紺唾曾黏

金縷曲

琴娘者珠江戴氏婦善鼓琴偕其夫遊楚中某中丞幕羣姬並從學焉中丞卒戴夫婦流轉至浙酒闌燈地縷述舊情輒淚潸潸下余感其事爲賦二詞

雙泛珠江艣儘風流泰娘聲樣瑩娘眉嫵生小自嫺文
君技花底秋桐幘撫總羞學尋常鞠部一曲水雲瀟湘

調竟公然轉入臨淮府鷄比翼鳳鸞伍
 蓁蓁夜靜軍門鼓好良宵闌干月轉花陰亭午半臂添寒尙書醉屏
後金釵楚楚齊頰首鄆邯學步絳帳高談勾挑法把霓
裳譜作鴛鴦譜飄泊恨不須訴

又 前題

剗地鵲啼血怪無端房中曲奏鼓宮宮絕華屋俄成山
邱感化去朱門劍舄有多少花啼柳泣何況堂前雙飛
燕更誰容重向雕梁歇飛絮影化萍葉 飄流卻向明
湖側恁匆匆宮移羽換珠狼翠簫舊日鞋尖三千拜今
口鶉衣百結回首望侯門天隔大有水雲垂琴意莽江

山重話梁園雪春夢事感而述

許乃穀

字玉年仁和人道光元年舉人官敦煌知縣

摸魚兒

同人詣孤山議建和靖祠並補梅放鶴詞以記事

暮蒼蒼斷垣衰草何人來弔和靖山中眷屬空梅鶴滿
目斜陽淒冷君可省算七百餘年舊跡依稀剩重來繫
艇想一角添樓二分宜水位置到疏影紅塵境仕隱
原難自定不如沈醉休醒買山有願非虛語笑指西湖
爲證高處凭把去住心情訴與先生聽夢來雪嶺更挈
我登臨隨君歌嘯月下四山應

宗稷辰

字滌甫會稽人道光元年舉人官宛沂曹道

蘭陵王

寄蔡黃樓時在湘南

送君處遠指湘江幽阻攜家向回雁峯南漂泊生涯幾
時住悽然握手語未許萍踪久聚飛鳶墮滿地瘴煙愁
共溪深淚如雨知君近誰侶想嘯倚巖礪響答蠻鼓
火流天外邊雲布早葉脫風勁預收炎暑青天一劍手
屢撫試鋒劈銅柱君去更無苦縱曼倩長饑乞米無
所償臺豈老風騷主喜桓鹿共挽萊衣親舞修名宜寶
且努力事萬古

張維屏

字南山番禺人道光二年進士官江西同知有玉香亭詞

浪淘沙

花下偶感集句

花發去年叢

杜甫

春色融融

馮延巳

惺忪語笑隔簾櫳

張明

月滿庭花似繡

杜安世

更與誰同

陸游

雙鬢隔香紅

溫庭筠

一笑難逢

晏幾道

落花流水忽西東

柳永

把酒留春春不住

尚希尹

懊恨東風

余桂英

滿江紅

海珠寺

一水蒼茫似湧出蓬壺宮闕遙望處紅牆掩映碧天空

闊光接虎頭春浪遠影翻驪夢秋雲熱看人閒天上雨

團圓江心月

南北岸帆檣列花月夜笙歌徹願珠兒

珠女總無離別鐵戟苔埋兵氣靜石幢燈暗經聲歇試

重尋忠簡讀書堂英風烈

百字令

謁周公瑾祠

崇閣疏樹尙尊傳三國周郎祠宇年少英雄能有幾況
復遭逢英主縱火謀深飲醇語妙風度溫如許同時抗
手卧龍而外誰與想見南國佳人小喬初嫁鸞鳳軒
然舉赤壁功成多暇日餘事聽歌金縷今日祠前東風
依舊吹灑靈旗雨精魂猶在曲終公定回顧

盧昆鑾

字翰坡萬載人道光二年進士官廣西同知

摸魚兒

和湯太夫人斷釵吟釵爲太夫人未嫁時
物閨三十九年斷於揚州賦詩誌感台子
雨生副戎屬和雨生祠緯堂明府宰鳳山
殉逆賊林爽文亂父楚儒上舍同殉焉

聽酸淒歌殘黃鵠聲聲都是血淚卅年釵股驚輕折感

切著簪遺棄磨笄誓算丹穴懷清苦節尋常耳最難堪
是痛馬革倉黃鳳雛幼弱蓬葆久慵理誰識取幾度
折蘂凝涕今看玉樹森起雍容裘帶人爭羨到處棠陰
濃蔽瑜珈麗只荆布家風依舊寒於水新詩留記賸兩
鬢霜黏半奩塵掩說著斷腸易

趙慶熺

字秋舫仁和人道光二年進士
官金華教授有香消酒醒詞

南鄉子

深院罷秋千落盡殘紅滿地鮮盼得春來無好日天天
只自斜風橫雨連鋪冷水沈煙無力瑤琴不上絃人
意亦如春意嬾年年多半敲牀中酒眠

陌上花

西風盡角荒城吹上滿天霜氣遠水斜陽紅到亂山無
際樓臺一味銷魂色翠袖有人寒倚料珠簾半捲亂愁
如我百端難理甚天涯賸飄零長劍舊夢淒涼空記
便作去聲黃花瘦也問誰提起年來多少無名淚何處生
綃緘寄但青衫幅幅啼痕印滿湖波不洗

高陽臺

渡河後寄家書有作

鼠影窺燈雞聲叫月馬蹄催送征輪纔渡黃河夢兒也
阻三分春宵寒暖憑誰問況霜華滿地如銀得知他燭
燼香消幾箇黃昏來時只說長安遠便長安不遠說

總消魂一月程途今宵已過三旬平生爛醉渾閒事到
天涯薄酒難醺可憐人我盼雲鴻卿盼波鱗

疏影

綠陰和魏滋伯

一重窗網認碧玻璃紙三面屏幃不是梧桐便是芭蕉
紅亭半角都讓斷無人處簾垂地但幾點疏疏雨響有
隔花架上鸚哥恰好翠毛新長最憶沙堤裏外斷橋
四五月湖水新漲密密層層幾箇灣頭暗裏只通雙槳
傷春杜牧來何暮已贏得天涯惆悵看夕陽山外青山
又費一番濃想

金縷曲

林秋園二十四橋醉月圖

十里珠簾路最風流玉簫夜夜玉人處處身是三生狂
杜牧醉倒清尊幾度料唱徧竹西樂府豆蔻梢頭春二
月問芳名可記煙花簿能幾箇好眉嫵荒臺一片瓊
花土說當時鴉鋤耕出寶釵雙股依舊雷塘風雨夕閉
閑涼螢無數誰解照宮中歌舞江水自流兒女怨只嫌
娥天上圓如故明鏡裏自千古

浣溪沙

檢點青衫舊淚痕十年前事最銷魂偏他細雨又黃昏
鸚鵡一篇才子淚桃花三尺女兒墳不知何處弔湘
君

蘇幕遮

玉闌千金屈成簾外長廊廊響弓弓屨鬢影春雲衫影
雪如水裙拖幅幅相思褶阮絃鬆笙字澀心字燒香
香上心先滅安得返魂枝底葉便做青蟲也褪花蝴蝶

舒夢齡

字蘇橋溆浦人道光
二年進士官廬鳳道

金縷曲

題嚴小秋餐花詞卽送其歸白下

綺歲詩名赫到而今春蠶老矣情絲猶結偶爾文章游
戲處寫到秋來聲色便檢點鶯喉鵲血腸胃本無塵俗
氣只薔薇和露供吞咽言語妙玉霏屑工愁我亦情
場客笑年來一官湖上蹉跎歲月回首相逢花事後冉

再流光如瞥。剛又是黃梅時節。我正懷人。君又去把君詞當作陽關疊。歌一曲一浮白。

黃德峻

字琴山。高要人。道光二年進士。官福州知府。有三十六鴛鴦館詞。

柳梢青

怎不魂銷春歸昨夜。人別今朝。一角斜陽。數聲風笛。暮地江湖。匆匆分撥。蘭橈。況同是隨流絮。飄煮酒尋歡。挑燈覓夢。那處河橋。

一翦梅

曲曲闌干小小樓。月影簾鉤。花影衣篝。紅笙初炙瑟初。擲春在梢頭。人在心頭。玉盃瓊漿煖欲流。鼎麝香浮。

釵鳳香收。明朝準備幾多愁。春也難留。人也難留。

連理枝 春暮客況

又是逢春暮。設計留春駐。卻悔天涯年年作客淒涼。誰訴奈無端。惹得幾分愁向落花飛絮。漫惜韶光度空把佳期誤。昨夜分明枕邊有夢醒來無據。但風風雨雨子規啼道不如歸去。

憶舊遊 虎邱

歎藏娃別館。響屧虛廊。滿地蓬蒿。試盪湖船去。轉山塘十里虎阜。停橈看花獨憑芳檻。春色可憐。宵把詩弔真娘。酒酬俠士一樣魂銷。相邀有明月。恰對影成三閒。

話前朝幾許關心事付吳歛一曲暮雨瀟瀟不管夜深
柔櫓搖夢出楓橋笑浪跡依然江湖滿地風絮飄

金縷曲

留別春嵐

別緒因君起覺朝來陽關未唱寸心先碎十載風塵牛
馬走僕亦幾經愁死賸草草勞人若此脫屣妻孥都易
事到他鄉愈戀真知己悽無語可知矣行程忽又趨
燕市指關山暮雲春樹八千餘里何日萍踪能再合後
會良難預擬只尺素遠憑雙鯉儻對惠連懷謝客願夢
魂時入西堂裏言不盡此中意

陸我嵩

字萊莊青浦人道光二
年進士官福州同知

相思引

殺粉調脂本未諳春纖慵整半頽鬟盈盈掌上心性最
嬌憨記曲拋殘紅豆易尋芳采取綠蕪難長眉畫了
自向鏡中看

李福培

字仲騫金匱人道光二年舉人官
從化知縣咸豐四年城陷自焚

蝶戀花

春到小庭春事晚綠暗紅稀無計將春挽杜宇聲聲啼
更嬾殷勤且拾飛花瓣窗外月痕花霧綰拚得無眠
整把歸鴻盼不信彩雲容易散曉妝人起春山淡

孔昭燿

字溫甫號小蘅曲阜人
道光二年舉人有半舫詞

卜算子

寒雨暗連江芳草青迷路山水重重阻客行還有行人
去風笛數聲殘別酒離亭暮不是花驄不肯留春尙
留難住

祝王林

原名懋成字鞠門仁和人道光二年舉人官教習有長蘆秋笛譜

高陽臺

戊戌報罷許季眉招同葉素菴黃韻甫遊城南看花午至尺五莊小飲爲賦是解

柳卸輕綿莎鋪軟薦隔花啼徹流鶯酒病詩懷誰憐憔悴
蘭成落紅不耐春拘管趁東風飛出重城最無情流水
飄香猶自盈盈傷懷不在題牋素在鐙邊聽雨月下聞
箏舊隱西湖未應冷落鷗盟行將散髮滄江去算

人閒何用浮名借金尊一洗牢愁醉學長鯨

摸魚兒

舟過白門重晤嚴小秋題其詞稿

算匆匆者番歸去孤帆江上開早六朝山色雙眉黛讓
與詞仙看飽催起稿箋翦水裁雲譜出江南好前緣未
了問記否那溝尋詩載酒同印雪中爪重別後落葉
西風如掃擁鑑誰與同調玉梅花下吹橫笛可有箇人
清妙還一笑笑么鳳飛來定向花閒繞聞那上玉鳳校書亦來金陵
相逢絕倒試炙硯煩伊題裙昵汝吟到碧窗曉

徐金鏡

字雲嶼武康人道光二年舉人有山滿樓詞

洞仙歌

鸚鵡洲在武昌南門外正平祠墓在焉前漢陽守裴公修郡志遺以東門外荒洲當

之遂沿謁成俗戊戌閏夏遊古鸚鵡寺拜
福公祠觀明人舊碑爲倚此解正之

文章太守甚耽奇成癖移去嘉名一江隔怪淒迷淺渚
落寞荒郊誰與證昔日圖經傳刻行吟來此地斷碣
傾敲猶有前朝舊遺跡古墓易沈湮三十年來問沿誤
幾人能識但認取洲邊福公祠笑安石新墩不須爭得

浣溪沙

黯黯遙山鎖暮雲峭風寒雨度殘春一襟離緒與平分
寶帳幾時圓好夢翠綃重與驗啼痕翦燈深夜話溫
存

眼兒媚

一江春水鎖寒煙。經月雨連綿。梨花落盡，桃花開老，未放晴天。
思他望遠天涯，夢計日卜金錢。那知人滯鳳凰山外，鸚鵡洲邊。

巫山一段雲

柳外三叉路，桐陰一角樓。簾波迴處斷雲流。休去上犀鉤。
露隕幽篁，淚風敲落葉，秋分明耐得在心頭。卻道不曾愁。

蝶戀花

荳蔻梢頭花信早。深院雕籠，宛轉雛鶯小。愁裏韶華真草草。
啼紅容易風吹老。夜雨重簾人影悄。獨伴殘燈。

有恨誰知道又是一春閒過了可憐虛負時光好

法曲獻仙音

槩磯靈澤夫人廟

建業山川永安宮殿一片斜陽榛莽霸氣沈煙大江流
怨空餘怒濤來往倬碧樹危磯畔叢祠尙無恙理吟
舫破溟濛叩舷高嘯凝望處山勢似含兵仗暗雨颯靈
旗看神鴉飛近煙幌楚尾吳頭溯歸程極眺泱泱只獠
亭遺恨付與水邊漁唱

滿江紅

秋日同人獨山觀海

捲地潮來淘洗盡牢愁鬱結憑眺處洪流澎湃奔雷濺
雪霜氣涼侵山骨瘦驚濤怒打懸崖缺但天連寒水水

連天搖空闊 秋浩蕩山岑寂煙樹冷平沙碧看風雲
百變魚龍出沒何處樓船航海去帆檣指點明還滅甲
鯨鯢故壘夕陽中空陳跡

臺城路

楊西麓孝廉所著閒雲潭影詞清空騷雅
一洗治靡之習而審律尤細茲年前三十
已五上春官矣爲題詞卷

一尊招起梅邊月空階幾回延伫待雁通詞憑波寄夢
都向銀箏摹取幽情最苦甚吹落珠塵慣看春去招徧
闌干暮雲心事共誰語 冰絲清夜自譜舊痕衣上淚
還漬金縷暈碧分顰啼紅怨晚並入淒綿宮羽年芳細
數對明鏡流光暗傷離緒望斷瓊樓畫簾深幾許

劉遵燮

字潛之武進人道光二年舉人官太倉學正

露華

金絲荷葉

淺莎挹潤。便拂翠縈紅。嫋嫋絲引。繞徧縹雲。仍向雲根
低襯。縱教不盡鴛鴦。怎奈雨聲無準。池亭畔。羅羅薜侵。
石色泉韻。棲香蝶夢初醒。慣一晌嬌憨。時復相趁。可
是細紋斜感。認他金粉。也應當作花看。點點碧痕圓暈。
芳未歇。芙蓉肯教瘦損。

疏影

七夕分賦得牽牛花

閒情爾許。正畫屏無睡。偏惹愁緒。短蔓柔絲。籬角牆陰
憐伊慣愛。風露明河鵲駕。今何夕。可記否。迢迢星路。恁

錦秋翠瘦涼添但放小齋幽處 應是天孫別淚等閒
灑碧漢殘影誰護化作香痕可奈旋收一霎雲軒難駐
芳華綽約無多候怎便放曉霞催曙算勝他搖落春紅
點點被風吹去

陳希敬

字笠甫海鹽人道光三年進士官深州知州城陷殉難有菰蘆老屋吟稿附詞

滿江紅

題永和九年七月硯磚

古甓摩挲閱千歲滄桑小劫誰收入珊瑚鐵網土花瑩
碧海國秋沙餘故物山陰春禊空陳跡認題年猶辨永
和秋分波磔 青州鐵文猶泐銅臺瓦痕多蝕剩畫樓
一片斷圭殘壁鼠尾磨來星磔紫螺九搦處煙濤黑效

襄陽寶晉舊風流填齋壁

周開麒

字石生江甯人道光三年進士官貴州布政司

洞仙歌

侯官姚履堂大令懷祥殉節定海浙人祠之吳山並以所書閣中藍筆字藏祠內大令爲余癸巳分房所薦士悲從中來漫成是解

招魂何處信斯人傳矣廟貌而今永崇祀歎力殫驅鱷

蹟杳飛鳧留片紙奕奕猶存生氣青藍無限感憶到

前緣曾是當時舊桃李文字數知交烽火重經況更有

平原繼起

顏宰履敬以知縣官浙王寅夷難殉節亦余所拔士也

儘先後雙忠足

千秋只觸我悲懷淚痕如洗

鮑俊

字逸卿香山人道光三年進士官刑部員外郎有倚霞閣詞

憶漢月

呂宋果一名檬果用歐陽修體

色勝黃柑碧藕剛熟清和時候品奇原種海洋西貯向
晶盤細剖芳馨熏玉手試拈問誰堪消受漿甜如蜜
色如金恰稱櫻桃小口

風入松

山居

幾閒茅屋晝長關竹柏夾溪灣慣隨猿鶴同餐宿休疑
是捷徑南山午夜雞猶嬾唱斜陽鳥未知還年來心
與白雲閒暫把俗情刪茯苓手劬靈芝采非丹竈亦駐
朱顏何必桃源避世幽居遙隔塵寰

史秉直

字洵侯陽湖人道光三年進士官鹿邑知縣

百字令

題潘四梅添香待漏圖

燭搖紅影愛襲人氣味常盈琴案金屋梅花香獨占怡
與阿嬌分半撿取恆春焚來永夜耐得蓮更換題詩裁
錦結成珠字璀璨遙想丹鳳門前御鑪煙細坐待東
方旦百里暫羈黃綬裏飽咏月明星燦家本瀟湘莖蘅
蘭芷入座盈芳翰神仙佳眷綿綿歲月無算

胡長庚

字城東歙縣人道光三年進士官禮部郎中

滿庭芳

吳子喬招同侯青甫諸君小集

風外雲停波閒萍台乍逢總屬前緣餞秋時候賓雁唳
遙天恰有紅燈綠酒容我輩笑語留連誰尋得江干臘

柳綰住孝廉船。才人頭欲白。黃金散盡。問有誰憐更。
潘郎思婦。琢句悲妍。我亦感秋傷逝。曾未肯說向人前。
今夜是因君。棖觸寒月照無眠。

雙頭蓮

爲吳蘭雪題蓮花博士圖

佳景清涼。兼近水簾櫳。斷無塵到。仙妝靚曉。共住此亭。
榭居然蓬島。管領萬頃玻璃。對娉娉嬈嬈。情味好。不似
當年。風光等閒拋了。試聽葉底鶯鶯。說蓮房有子。偏
伊知道。花枝戲掬。向暗地厮比。還妨耶笑。付與豔福仙
才。感天公非小。秋未老。夕暝朝煙。都歸吟稿。